

BELIEVERS EASTERN CHUCH
St, Thomas Nagar, Kuttapuzha P.O,
Tiruvalla, Keralla, India -689 103
Phone, (0469)2630654, 2630771
Fax: (0469) 2630273
www.bec.org
Email: info@bec.org

ENCYCLICAL

EN/04/24

May 28th 2024

Angni ka-sara jong ada Bishop-rang, to nonganiko man-gimin pamongrang aro Rongtalgipa mondolini bebera-giparang.

Ka-san ka-sachakanio gaggipa, Pagipa Isoloni tom-tomani aro an-chingni Gitel Jisu kristo-oni pangnan Gisik Rongtalgipani dongpaani na-simang baksa ong-china.

An-chingni ka-sabegipa Pagipa His Holiness Moran Mor Athanasius Yohan 1 Metropolitan -ni an-chingko wate re-angani antigni ong-angaha, uni pilak nama gunrang baksa nengbee dangdike on-angnirangko aro indita bilsirangna Gitelna ka-sae dangdike on-aniko kattachi agansokja. An-ching sakantian Uni gimanganiko rang-gitdik dake nikaha, an-ching kallimbeengon ka-dongani gri ong-jana, jedake St, Paul 1 Thessalonians 4:13 an-chingna aganaha.

An-chingni, His Holiness Moran Mor Athanasius Yohan 1 Metropolitan-ko gopani somoio an-ching pilak local mondoliantionin apsan bakko ra-aha aro an-tangtangni ku-cholsan ong-aniko mesoke saksa sakgipinna ka-saaniko mesokaha. Uni gimin chingni katchabeeniko na-simang sakantian on-a.

Indake an-chingni, His Holiness Moran Mor Athanasius Yohan 1 Metropolitan-ko gopani somoio uko mande ra-bee dingtang dingtang cholrangchi jekai rel gario, bus-o garirango an-tangtangko sokatbana gita an-tangko on-kange bi-anio kalimanio bakko ra-paaniara dingtang mancha gamchatbegipa ong-a.

An-chingni mondolini dakbewalni gita an-ching re-angipa 8th May tarikoni pilak diocesan office aro local mondolirango sal sotbrina kingking an-chingni ka-sabegipa Moran Mor Athanasius Yohan 1 Metropolitan-ko gisik ra-e kalimaniko uni noksako giljani nokningo done una ka-a be-aniana bi-anirangko dakenga.

ADITA NANGCHONGMOTGIPA UI-NA NANGANIRANG

An-ching jerangko dakenga, uan baksanaba ka-mao jerangko mesokatengachim, uarangko ka-tong giminikchi bak ra-pachina mol-mola.

- **Kaliame bi-rimanina tomani:** Diocese ge-antian ia kalimani bi-anirangko dakbo aro uko dakengon mande jinma baksa dakbo aro uko dakengon dingtang dingtang main line mondolni dilgiparangko okambo aro an-chingni giljani gimin name ui-gipa MLA, MP dakgiparangko okame an-chingni His Holiness Moran Mor Athanasius Yohan 1 Metropolitan-ni gimaangani gimin ma-talate bi-rimaniko dakbo.
- **Sal 40-na Gisik Ra-e Bi-ani:** Indake an-chingni Gisikni pagipa Moran Mor Athanasius Yohan 1 Metropolitan-ko gisik ra-e kalimaniko dake bi-rimaniko dakengon, 16 June 2024 tariko pilak diocesan office, local giljarango aro skulrango pilak a-gilsakni bakrangon dakchina gita ui-engu.

- **Uni kam aro bimangko Ripingani** : Metropolitan-ni tangmitingo pilak uni dangdike on-ani aro kamrangko gisik ra-na gita, diocesan office, gilja nok aro nokdangantion, uni noxsako tarie donchina gita anga sakantikon didianiko on-enga, adita somoirangni jamano chinga na-simangna rongtale tarigipa noxsako tarie na-simangona sokatgen.

Gnigipa Metropolitan-na seokani: Sal 40 kalimaniko maniani dakengon, Rongtalgipa Synod june-ni 17, 2024 tarik-o tom-aniko ia an-chingni mondolini skotong St, Thomas Nagar, Kuttapuzha P.O, Tiruvalla, Keralla, India-o dakgen; indake ua tom-bimomganiko dakani somoio an-ching mondoliko dilangna gita gnigipa Metropolitan-ko songgen. Indake ua gnigipa Metropolitan-ko songani somoio chusokaniko man-na gita pilak local mondoliantian aro bebera-gipa sakantian bi-jringe dongchina gita mol-molan baksa ui-ataniko on-enga.

HAI AN-CHING APSAN BI-NA

Jekai ia miksonganirangko dakengon, na-simang sakantikon bi-jringanio ching baksa bak ra-pachina mol-molenga.

1. **Gnigipa Metropolitan-ko seokani:** Indake an-chingko ba mondoliko dilna gita Metropolitan-ko seokengon, Je Gisik Rongtalgipaan an-chingko batanggimin salrano dilangaha aro Uan an-chingko gitalgipa dilgipa mes nirikgipa Bishop-ko seokaniko Uni dilaniko aro mondolini niksamsuaniko chusokna gita man-gen.
2. **An-chingni Isolni a-bao kam ka-engon chusokanina bi-gen:** Jedakode an-ching Isolni ka-saaniko aganprakanio aro bilak dakchakaniko nangenggiparangna dangdike on-engon, Isolni ka-sachakani aro Uni dilaniko man-gen.
3. **Ku-cholsan ong-anian saksa sakgipinko mangrakata:** Isolni ka-saanio pilak ku-sukrang baksa kucholsan ka-sagriku ku-monge an-tangtangko on-kange kam ka-aniosa mondolio mangrakgrikataniko man-gen.
4. **Chadambe ong-e Isolna dangdike on-ani:** An-chingni giljani chadambe me-a me-chikrang, Isolni okamaniko man-e an-chingni seminary-o Sister of Cross (SOC) aro dingtang dingtang gadango poraie Gitelna dangdike on-na man-gen.
5. **Sister of Cross (SOC)-rangko on-kangani aro uamango kamo jakkalani:** Jedakode uamangko on-kangani ba to nonganiko dakengon Isolni dilaniko man-gen aro uamangni changa sapani gri Isol uamangko jakkalgen aro uamang Isolni nama kattarangko jerangan nangengachim uamangna aganprakna gita man-gen.
6. **Holy Synod-ni member-rang:** Jedakode Isol uamangna ui-ani, ka-saani, be-en bimang ansengani, chanchianio aro gisikni gita bilakaniko on-gen, pilak uamangni mondoliko dilanio aro mondoliko re-dilanio, nangchongmotgipa chanchianirangko chanchianio an-tangtangni daitoko bi-an baksa dakna man-gen.

Pagipa Isolni ka-sara, Gitel Jisu Kristoni ka-sachaka, Gisik Rongtalgipani Dongpaani, da-a aro pangnan na-simang baksa dongchina †.

Kristoo,

†Dr, Samuel Mor Theophilus Episopa
Metropolitan locum tenens